

Opuscula

Opuscula

FELICITAS
URBIS BOCHNÆ,

EX PRÆSIDIO NOVO
SACRORVM LYPSANORVM

D. IOANNIS CANTIL,

Regni Poloniae, & Academiae Cracoviensis,

PATRONI,

Aliorumq; SS. Martyrum, Sanctarumq; Virginum,

ORTA.

Et dum

HÆ SANCTÆ RELIQVIÆ;

Ex Ecclesia Religiosissimorum, & Admodum Re-
verendorum Patrum Ordinis Prædicatorum,

Ad Templum Parochiale Bochnense,

S. NICOLAI Episcopi Myrensis.

Celebri pietate transportabantur,

PER

M. FRANCISCVM HIERONYMV M PLVCINSKI,

Philosophiæ Doctorem, Dialecticæ in Collegio Novoduorsciano Professore.

Contubernij Sismiani Seniore.


Secuturæ Posteritati

Stylo Elogiastico,

PROCLAMATA.

Anno, quo Author Felicitatis nostræ de utero Virgineo prodijt, 1711.

Die 19. Octobris.



C R A C O V I Æ,

Typis Francisci Cezary, S. R. M. Illustris. & Reverendis. Dñi Episc. Cracov. Ducis
Severiae; necnon Scholarum Novoduorscianarum Ordinarij Typographiæ

CATALOGUS

Sanctarum Reliquiarum,

A Sede Romana concessarum,

Ad Ecclesiam Parochialem Bochnensem.


^{Vna}
CVM DIGITO

D. JOANNIS CANTII

Introductarum.

- S. FELICISSIMI Martyris, Fistula de manu notabilis cum dente uno.
- S. INNOCENTII Martyris, Cubiti manus frustum.
- S. ILLUMINATI Martyris, tria frustra Reliquiarum.
- S. POTENTIANI Martyris, parvum frustum Reliquiarum.
- S. NAVALIS Martyris, Cranij capitis frustum insigne.
- S. CLARI Martyris, itidem Cranij capitis frustum.
- S. HYACINTHI Martyris, Costula de Latere.
- S. BONIFACII Martyris, frustum de Latere.
- S. GEMINIANI Martyris, de manu os notabile.
- S. FAVSTÆ Virginis & Martyris parvulum frustum.
- S. SEVERINÆ Martyris, particula Reliquiarum.
- S. CÆLESTINÆ Martyris, os notabile pedis.
- S. INNOCENTIÆ Martyris, particula fistulæ de manu.
- S. Jucundinæ Martyris, fistula de manu.
- S. Virginis & Martyris unius Sodalium S. Ursulæ particula reliquiarum.

FELICI-



FELICITAS URBIS BOCHNENSIS.

Metire Calame si potes,
Singularem felicitatem Civitatis Bochnensis,

Regia illa est,
quia libera; libera est, quia Regia.

Regia est,
Nam Serenissimorum Sarmatiae Principum,
thesaurus & ærarium est.

Fortunata est, hæc Regum Poloniae Nata,
Nempè Beatis, Beatæ CVNEGVNDIS precibus
Regnante BOLES�AO Pudico,

Inexhaustis Salinis donata, dotataque.

Cyreneiacæ Regionis populi,
(extra Salem) ex Sale domos sibi exstruunt.

Felicior Bochna,

Thesaurò suo, toti Europeo Orbi,
ideo notissima, quia utilissima.

Non invidemus;
Stagyræ Aristotelem, Athenis Isocratem, Thebis Amphionæ;
cùm videmus,

Vrbem Bochnam, tanquam Lacænam Parentem,
parientem Viros illustres.

Hos in omni statu lustres.

Pietatem in Superos, Religionem in Divos,
Spectatissimæ istius Urbis, spectare vis?

Hanc
in Laureatis in Cracio Academo Secularibus Urbis hujus Mystis
admirare & venerare.

Egregij hi sunt Orthodoxi populi Ductores,
quia omnes Doctores.

Scire vis,

Quid Magni DOMINICI Magni Filij sunt?
quid Seraphica Seraphici Patris Progenies,
Urbem hanc non tam incolens, quàm in pietate excolens?

Noveris hos Flamines Sacros esse.

Flammas illi Amoris Divini toties accendunt,
quoties ad Aras Summi Numinis accedunt,
Curiosam pupillam in Status Urbis hujus vertes,
Viros, & moribus & doctrinâ cultos advertes.

Felicem adhuc cupis videre Bochnam?
eam & in Eurippo malorum d'e fortunatam.

Propter diram Ep demia lucem,

Vniverſa Lechia lugebat.

Civitates, Pagi, Castella, Asceteria,
in tristem ſavæ Lachesi abierant ſedem, & mortalium Vrnæ.

O Tragicum Spectaculum! ô Fatum grave!

Avara & amara mors, nulli parcebat Honori.

Testare Bochna,

In te propter tabificum Cœli Vitium,

Omnis ætas, pariter & ſexus ruebat.

Juvenes Senibus, gnatis Parentes, jungebat funeſta peſtis.

Funera ſketu acerbo, & quæſtu carebant.

Quisquis legis hæc,

Agnosce, & in infortunio illo magno,

Magnam Bochnæ felicitatem.

Inter opacas illius mæroris nubes,

Adſuit mæſtiſſimæ Bochnæ,

Syduſ fortunatum.

In medijs illis fluctibus illuxit ei,

Cynofura Bonæ Spei,

D.

D. IOANNES CANTIVS.

Tristissimæ Vrbi adfuit Iubilus & Cantus.

Cantus erat, quem montanus dedit Angulus Orbi,

Quem peperit Mater Gratia, Cantus erat.

Epidemica lue oppressa Civitas,

Supplices ad CANTIVM tendebat manus,

& per CANTIVM, optatæ sanitatis recepit munus.

Audiant Secutura Tempora,

de Amore Bochnæ in CANTIVM.

Audiant Sæcula,

de Amore CANTII in Bochnam.

Pallida Mors,

Alibi tristes taxos, mortuales Cupressos,

toto triennio figebat.

Bochnæ tantum per tres Menses, suas ferales messes,

dura Lachesis egit.

Nec mirum;

CANTIVS iram diram Libitinæ fregit.

Oèdipi morte,

à laborantibus pestilentia Thebis, mors recessit:

Accedente in suppetias afflictæ Vrbi CANTIO,

Vita accessit.

Maiora evolvit Calamus?

Ruenti suâ calamitate Bochnæ,

ruit sed in subsidium,

Athlas Polonus,

CANTIVS.

Lypsana ei Sacra sua offert,

Vel in Antydorum salutare, vel in dulce decus, vel in præsidium.

Dexteræ Sanctæ, dexteræ eruditæ, dexteræ, quâ pallium

ab Alma Virgine recepit,

Digitum Bochnæ donat.

Digito hoc omnem mali notam proscribere,

Digito hoc omnem tibi Bochna inscribere felicitatem,

CANTIVS

CANTIVS optat.

Heros hic **Divinus**, omni **Annibale** **Maior**,

Dat pignus de manu propria tibi **Bochna**;

hac te manu,

protecturus, quâ tibi omnia bona spondet.

Magnitudinem CANTIANI affectûs,

Multitudinem Amoris Palladis Iagellonicæ,

in Te, metire **Vrbs**,

vel ex hoc oblato pollice sacro.

Cimelia Sancta,

quibus nihil pretiosius, nihil speciosius habuit,

Cracia Minerva,

Tibi nunc impertitur, tibi nunc dividit.

Cleopatra noluit gemmam dividere,

sed totam **Antonio** dedit hauriendam.

Pallas Iagellonica,

integrum noluit habere **CANTIVM**,

Voluit ut integram **CANTIVS** suis **Lyfianis**

occuparet **Poloniam**.

Præsuli Myrensi NICOLAO,

Dat **Doctorem CANTIVM**;

Vt cum Antistite hoc, pro Te **Bochna** ante **DEV**M stet.

Apollo stabat pro **Troja**,

CANTIVS Doctor abhinc stabit pro **Bochna**.

Sali, datum est **Sal Sapientia**.

Noverit Polonus Orbis,

Non unius **Cracia** **Vrbis**,

Tutelarem esse CANTIVM.

Incola Ille Cæli,

Omnes Lechia **Vrbes**, optat ut incolat.

Hinc scias **CANTIVM** non uni esse natum **Angulo**.

Videat posteritas felicitatem **Bochnæ**?

Non solus eam voluit adire **CANTIVS**.

Quia non solus eam voluit tueri.

*In Praesidijs armata Gradiui soboles collocatur,
Non unicus Camillus pro Roma, nec unicus Hector pro Illo stabat.*

In tutamen Bochnæ assumit CANTIVS,
FELICISSIMVM, INNOCENTIVM, ILLVMINATVM, POTENTIA-
NVM, Potentissimos Alcidas; quia invictos Martyres.
Felicitem, Innocentiam, Illuminationem, & Potentiam DEI,
eò Tibi Vrbs precatur.

D. NAVALIS, Argos Tibi secura,
D. CLARVS, ipsa claritas, in procinctu ad æternam felicitatem erit.
BONIFACIVS, nunquam Tibi benefacere desinet.
Virgo SEVERINA, erit hostibus Tuis & malis severa.
FAVSTA, IVCVNDINA, INNOCENTIA, CÆLESTINA,
Virgines hæ, Vestalibus puriores,

quid aliud?
Si non faustitatem, iucunditatem, innocentiam, Cælum ipsum,
suis Nominibus pollicentur;

Date Mnemosynes Filiae Entheum,
Date ad gratulandam hanc felicitatem Bochnæ Verba.
Evola penna in voces festivas & vota,

Perillustri, & Admodum Reverendo Domino,

D. CANTIO FRICIO;

AA. LL. & Philosophiæ DOCTORI, Viroq; Togato, Ecclesiarum Bo-
chnensis PRÆPOSITO, Parochialis in Dzikowiec CVRATO, &c.

Pijssimus hic Æneas est,

Qui Divinorem Anchisam D. Patriarcham.
Sacris Templi sui Parochialis infert Poenatibus.

Felix Filius tanto Patre,
Felix & Pater tam amantissimo sui Honoris Filio;
Non poterit Clementissimus Patriarcha,

Filij sui curam non habere;
cujus se Sponsæ in Reliquijs hodie obtulit.
Cracij Heliconis Præses CANTIVS,

Videt dilectissimi Cordis Vestri tesseram,
Illustres, Excellentissimi, & Admodum Reverendi Domini,
Ecclesiæ Parochialis Bochnensis,

Devotissimi Mystæ,

Zelantissimi CANTIANI Honoris Promotores.

Virides hæ Laurus,

quibus erudita tempora Vestra redimivit

Iagellonica Pallas,

nullum adversæ fortis experiantur fulmen.

Sub doctarum mentium Phæbo CANTIO,

Doctores Vestræ Laureæ,

in flores maximorum in Ecclesia DEI Honorum excrescant.

Illustres, Magnifici, ac Generosi Domini,

Thesauri Regij Bochnensis OFFICIALES,

Munus pietatis CANTIO exhibuistis;

Munia Magnarum Dignitatum Thesaurosq; Regis Regum,

à CANTIO expectate.

Inclita Vrbs Bochnensis,

Sume nunc certa felicitatis Tuæ Auspicia,

Harpæ te Gotticæ,

Sive illæ, quas exoticus Neptunus in Te immisit,

Tributorum oneribus cæu Siphis saxis oppresserunt.

Vorax Vulcanus,

tot Tibi formosas domos, immitibus flammis depastus est.

Spera nunc ex CANTIANO totq; Cælestium Incolarum adventu,

meliores dies, meliores eventus.

Quod Troiæ Palladium,

Hoc Tibi Lypsana Sacra erunt.

Incolæ Bochnenses cultu debito,

Hos Æthereos servate Deos, servabitis Urbem.

Divi Indigetes,

Argi centoculi sunt,

Vestro bono, Vestro commodo prospicient, invigilabunt.

Effuso affectu, Filiali pietate, ardentissimo Zelo,

Suscipis Vrbs in Te CANTIVM Patronum;

Ergo CANTIVS

Sit Tibi CANTIVS, sit Tua Corona,

Sit perpetua FELICITAS.

ti
e,
M
o-
m
o
es
er
ne
a-
ut

10
c.

y-
ti-
c-

卷之四

卷之四

22000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

